



## **Christ-eyfriger Seelen-Wecker/ Oder Lehrreiche Predigen**

...

... Quadragesimale, Oder ... Predigen/ Deren auf Jeden Sonntag ... zwey  
eingrichtet ... Zweyter Theil

**Barcia y Zambrana, José de**

**Augspurg, 1719**

Approbatio Doctoris Don Christophori Ruiz Franco de Petrosa, ...

---

[urn:nbn:de:hbz:466:1-76484](https://nbn-resolving.org/urn:nbn:de:hbz:466:1-76484)





# APPROBATIO

Doctoris Don Christophori Ruiz Franco de Petrosa, Canonici Sanctæ Ecclesiæ Toletanæ Hispaniarum Primariæ, Theologi Camaræ, & Confessarij quondam Eminentissimi Domini Cardinalis Don Pascalis de Aragon, Archiepiscopi Toletani, Hispaniarum Primatis &c.



X commissione Domini Doctoris Don Ferdinandi Garcia Davila, & Carrilli, Archi-Diaconi de Quadalaxara, Canonici sanctæ Ecclesiæ Toletanæ Hispaniarum Primariæ, Consiliarij Regiminis hujus Archiepiscopatus, Thesaurarij Majoris reddituum decimalium ejusdem, atque Vicarij Generalis in dicta civitate, toroq; Archiepiscopatu, revidi librum cui titulus: *Quadragesima Sermonum doctrinalium tomus secundus*, cujus Auctor. Do-

ctor Don Josephus de Barzila, & Zambrana, oriundus è civitate Malacca, ante hæc Canonicus Insignis Ecclesiæ Collegiatæ in Monte Sacro Granadæ, Professor Sacræ Scripturæ, Visitator Generalis Archiepiscopatus præfatæ civitatis, modò autem Canonicus meritissimus sanctæ hujus Primariæ Ecclesiæ, & benè perpensis in eo sermonibus, discursibus, & doctrinis, auditisque ijs, quos ad populum proponit, inter omnes circumstantias, copiosasque Excellentias, quas mea tenuitas attingere poterat, præ cæteris meam sibi vendicavit attentionem æqualis auctoris in dicendo persuadendi vis & in scribendo movendi efficacia, atque mecum ipse sum locutus, nullibi magis quam in isto Excellentissimo ingenio consociatas inveniri qualitates à Justo Lipsio in scriptoribus requisitas, dum dixit: *ingenij non solum lumen, sed calorem.* Claritatem, & lucem doctrinæ ad illuminandos intellectus, & calorem ad inflammandas voluntates, cum omnes sermones solummodo ad profectum animarum colliment, quod clarè perspicient, qui hos sermones legere voluerint, sicut & reliquos jam in lucem editos, quorum doctrina tanta movendi vi prædita est, ut occultam quandam efficaciam includere videatur, cui animus se submittere quasi cogatur, non cum minori emolumento, quam cum viva voce perorat, atque exhortatur, prout felix experientia in ista primaria civitate testatur, ab eo tempore, quo Magnitudo, sanctus zelus & incomparabilis cura majoris splendoris Ecclesiæ suæ, majorisque boni spiritualis suorum subditorum Eminentissimum Dominum Don Ludovicum Emanuelem Fernandez Porto Carrerum Archiepiscopum Toletanum Dominum meum permoverunt de monte sancto Granadæ translatum super Candelabrum suæ sanctæ Ecclesiæ Primariæ ponere.

Cum nimis quam certum sit, qualitatum copiam, quibus Deus auctorem benignissimè ditavit, ipsum quam aptissimum facere ad ministerium Apostolicæ prædicationis, ita quidem, ut citra erroris periculum, aut adulationis notam dici possit, quòd in istis calamitosis temporibus, in quæ abundanti vitia, atque miseriæ tam copiosæ, ita ut non alia via, quam ad Deum pro remedio recurrere superesse videatur, prout sua ætate locutus est sanctus Augustinus ad Victorianum scribens: *Plangenda sunt hæc, non miranda, & exclamandum ad Deum, ut non secundum merita nostra, sed secundum misericordiam suam à tantis malis liberet nos.* Divina Providentia disposuerit, ut Hispania tam insigni, ac singulari viro floreat, qui in prædicatione Apostolica miribus verbis, & suavitate scriptorum in sermonibus typo vulgatis in corda insinuatet doctrinam ad morum reformationem, Divina enim Majestas hac jam sapius usa est benignitate, quando necessitas exegit, prout ex Ecclesiasticis præteritorum sæculorum annalibus constat. Cumque scripta hæc typis mandentur, æternitate donabitur pro futuris temporibus doctrina in eis contenta, hinc sapienter effatus est Tritermius dicendo; Scriptorem Prædicatoris multis

Aug. Epist.  
122. ad Vi-  
ctorianum.

Triterm. de  
Laudibus  
scriptorum.



## A P P R O B A T I O.

multis parasangis antecellere, exhortatio enim hujus cum fine orationis emoritur, cum tamen scriptoris Magisterium per sæcula vivat: *Major est Scriptoris pietas officio predicantis, quia istius cum tempore perit monitio, illius perseverat per annos multos annuntiatio.*

Atque hi sermones tanta referri sunt eruditione, ac veritatibus Catholicis ab omni errore, aut abusu puris, ut unice ad hunc tendant finem, ut animas amore DEI inflamment, atque ad currendum in suavi via virtutis permotas à præruptis vitiorum præcipitijs avertant. Cum auctor de industria copiosis in suis discursibus utatur moralitatibus eas magna vivacitate enucleando, unde admirabilis nascitur motus ad abhorrendum à peccatis, cum eodem tempore spe veniæ animus horrore culpæ depressus erigatur. Interdum animabus impietatem arguendo tristitiam ingerit, alia autem vice animat ad laborum tolerantiam continuò vitia insectando. Ubique condemnat superbiam, & exaltat heroicam humilitatem, charitatis excellentiâ consolatur, fidelibus amorem Dei, & proximi instillando, ut hoc modo eos ab obligua perditionis via removeat, uti hæc omnia constant ex hoc opere, cui sine injuria applicari potest, quod Casiodorus sacris paginis adscripsit: *Modò tamen aut tristitiam persuadet, aut impietatem redarguit, aut tolerantiam prædicat, aut vitia nobilitatis accusat, aut superbiam damnat, aut bona humilitatis exaltat, aut charitate plenissime consolatur, aut aliquid tale commemorat, quo ad probos mores excitet, aut à nefariis cogitationibus respectu pietatis abducit.*

Atque diverſi hi affectus ad utilitatem spirituales animarum plurimum conducentes Authori sunt quasi connaturales ob perpetuum in lectione sacrae Scripturae, sanctorumque Patrum studium, ex quibus tanquam ex puris, ac salutaribus fontibus hausit spiritum atque medullam uniuscujusque: præterea periti, curiosique hortulani instar ex amænis scriptorum eorum arcolis fragrantissimos flores collegit pulcherrimum inde fasciculum facturus, quem nobis in quolibet libro, imo in quolibet sermone in publicum emissio præsentat, imitando illos, in quo quis excellebat: Sanctum Hieronymum in pulchro scriptorum ordine, in eradicandis vitij Lactantium, in ædificandis animabus Augustinum: Basilium in corrigendo; in consolando Gregorium, & in continuanda doctrina, atque instructione Ambrosium, & hoc modo reliquos, quos brevitate causa non refero, sed lectorem remitto ad Sydonium Apollinarem hoc argumentum melius prosequentem, quod scriptis Claudij Præsbyteri de Viennâ applicavit, ac cum non minore proprietate de nostro Don Josepho de Barzia Præsbytero de Malacca, modò autem cum justa ratione de Tolero, cum sit filius sanctæ hujus Ecclesiæ, affirmari potest: audiamus Sydonium vivaciter illud referentem: *Jam si ad Sacrosanctos Patres pro comparatione uniat, instruit ut Hieronymus; destruit ut Lactantius; adstruit, ut Augustinus: attollitur ut Hilarius: submittitur ut Joannes, ut Basilus corripit, ut Gregorius consolatur, ut Orosius affluit, ut Rufinus stringitur, ut Eusebius narrat, ut Eucherius sollicitat, ut Paulinus provocat, ut Ambrosius perseverat.*

Sæpè numero utitur Author ad clariorem moralitatum explicationem similitudinibus, & parabolis, & quidem hac ex causa prout ipsemet in prologo primi tomi Excitatoris sui Christiani declarat, ut Christum Dominum, & Magistrum nostrum imitetur, qui ejusmodi parabolis doctrinam suam illustravit juxta testimonium sancti Matthæi: *Et sine parabolis non loquebatur.* Simulque, ut eò clarius conceptus suos rudibus inculcaret, postquam per textus doctis satisfecit, atque hoc modo propositionibus suis conciliat evidentiam, & vix non palpabilem intelligentiam, ac præsertim, quando adducit aliqua exempla rerum materialium, quæ se se oculis nostris offerunt, quibus auditores sibi attentos, & suavi efficacia convictos reddit: unde optime meretur elogium, quo Sixtus Sennensis scripta sancti Gregorij extulit: *Tantæque de virtutibus, & virtus efficaciam loquitur, ut ea videatur non solum verbis, sed formis quodammodo visibilibus, & palpabilibus demonstrare.*

Nemini mirum videri debet, id Auctorem feliciter consecutum esse, ut ejus doctrina ubique celebretur, ac communi cum applausu recipiatur, omnes enim obligationes doctoris Ecclesiastici ad unguem implet, ordinatissimam vitam, & exemplares mores doctrinæ, quam verbis, vel scriptis tradit, conformando: hac in materia, ne humilitatem ejus, atque modestiam rubore suffundam, non ero fusior,

Casiod. di-  
vin. lect.  
cap. 2.

Sydon.  
Apolin. l. 4.  
Epist. 2.

Matth. 13.  
v. 34.

Sixtus Sen-  
nens. l. 4.  
suz Biblio-  
thec. de S.  
Gregor.



## A P P R O B A T I O.

omittere tamen nequeo, quod alij, qui ipsum noverunt, atque adierunt, sunt experti, qui unanimi ore deprædicant ejus solitudinem, silentium, compositionem in factis, & verbis, ita, ut nec ullum eorum notari possit, quod non sit vivum exemplum ad ædificandos auditores, quin tamen propterea se subtrahat exercitijs spiritualibus in utilitatem proximorum cedentibus, aut subterfugiat molestias in excipiendis Confessionibus perferendas ad consolationem ejus, qui ipsum expetierat, conformando se exemplari à sancto Isidoro Archiepiscopo Hispalensi de quodam genuino Ecclesiæ Doctore, atque Apostolico Prædicatore relato; audiamus Sanctum, qui suis verbis meam implebit obligationem, si cum attentione, & Christiana pietate fiat comparatio: *Sacerdotis prædicatio operibus confirmanda est, ita, ut quod docet verbo, instruat exemplo, vera est illa doctrina, quam vivendi sequitur forma, nam nihil turpius est, quam si bonum, quod quisque sermone prædicat, explere opere negligat, tunc enim utiliter prædicatio profertur, quando efficaciter adimpletur.* Textum hunc non traduco, ne energia, aut ejus pulcherrimæ clausulæ dissolvantur, applicatio quoque in re tam clara redundaret, hoc solum addam, famam per omnes Andalusie Provincias sparsam Toleti auctorem divulgasse, nunc autem Experientiam ipsam satis superque loqui, ita ut cum regio Psalte dicere possimus: *Sicut audivimus, sic vidimus.* Civibusque Granadensibus reponere illud, quod Incolæ civitatis Sichas mulieri Samaritanæ, quæ jam converta Christi Excellentias prædicabat: *Quia jam non propter tuam loquelam credimus, ipsi enim audivimus.* Atque meus affectus adjunget, quod Regina de Saba ad Salomonem dixit, quod Majorem in eo præfens invenerit sapientiæ prærogativam, quam absens per famam perceperit: *Major est sapientia, & opera tua, quam rumor, quem audivi.*

S. Isidor.  
Hispal.  
Archiepif.  
l. 3. sentent. c. 36.

Psal. 47.  
v. 9.

Joan. c. 4.  
v. 42.

3. Reg. c.  
10. v. 7.

Propter relatas itaque eximias dotes, simulque, quod liber hic nihil contra puritatem fidei nostræ Catholicæ, & bonorum morum contineat, potest, & debet concedi licentia, ut typis mandetur. Et licet charitatis leges, prout nullus dubito, obligarent auctorem, ut prosequeretur publicationem aliorum librorum hac qualitate insignium, consultius tamen foret, si prosecutio ejusmodi scriptorum præcepto rigoroso à Superioribus, & ad id auctoritatem habentibus promoveretur, omnia quippe cederent ad majorem DEI gloriam, Ecclesiæ sanctæ bonum, & Maximam animarum utilitatem. Ita sentio. Toleti decimo quinto Mensis Februarij anno millesimo sexcentesimo octogesimo sexto.

*Doct̃or Don Christophorus Ruiz  
Franco de Pedrofa.*

## L I C E N T I A O R D I N A R I I.



Os Doct̃or Don Ferdinandus Garcia Davila, & Carrillo Archi-Diaco-  
nus de Guadalaxara, Canonicus sanctæ Ecclesiæ Civitatis Tolerantæ,  
Consiliarius Regiminis, Thesaurarius Major reddituum decimalium  
Inquisitor, & Vicarius Generalis in ista civitate, ejusque Archiepi-  
scopatu &c. per præsentem (prout Ordinarius istius Archiepiscopa-  
tus) damus licentiam Domino Doct̃ori Don Josepho de Barzia, & Zambrana,  
Canonico sanctæ Ecclesiæ hujus civitatis, ut typis mandare possit tomum secun-  
dum *Sermonum doctrinalium de Quadragesima.* Qui ex nostra commissione sunt re-  
visi, atque examinati, in quibus nihil inventum fuit, quod puritati nostræ sanctæ  
Fidei Catholicæ atque bonorum morum contrarium esset. Datum Toleti die de-  
cimo octavo Februarij anni millesimi sexcentissimi, octogesimo sexti.

*Don Doct̃or Ferdinandus Garcia,  
Davila, & Carrillo.*

Ad Mandatum ejus

*Don Michael Garcia Sacerdos Notarius  
Apostolicus.*

CEN-